

Elak sebarang pembaziran, berbelanja ikut keperluan

UMS amal perbelanjaan berhemah

SITI NOR AZIZAH TALATA

Utusansabah@utusan.com.my

UM 25.12.2013 26

KOTA KINABALU

24 Dis. - Melaksanakan perbelanjaan secara berhemah dan bijak menjadi tanggungjawab semua organisasi bagi mengelak sebarang amalan pembaziran.

Naib Canselor Universiti Malaysia Sabah (UMS), Prof. Datuk Dr. Mohd. Harun Abdullah berkata, UMS sebagai badan berkanan Persekutuan, adalah wajar untuk pihaknya berbelanja dan menguruskan hal-hal kewangan mengikut dasar dan peraturan-peraturan yang ditetapkan kerajaan.

"Adalah menjadi tanggungjawab Ketua Pusat Tanggungjawab (PTJ) melaksanakan setiap aktiviti berdasarkan konsep 'belanja berhemah', berdasarkan akauntabiliti kita sebagai pegawai pengawal mengikut Akta Acara Kewangan

Adalah menjadi tanggungjawab Ketua Pusat Tanggungjawab (PTJ) melaksanakan setiap aktiviti berdasarkan konsep 'belanja berhemah', berdasarkan akauntabiliti kita sebagai pegawai pengawal mengikut Akta Acara Kewangan 1957 dan Arahan Perbendaharaan serta Peraturan kewangan Dan Perakaunan UMS

DR. MOHD. HARUN ABDULLAH
Naib Canselor Universiti Malaysia Sabah

1957 dan Arahan Perbendaharaan serta Peraturan kewangan Dan Perakaunan UMS," katanya ketika berucap merasmikan Bengkel Konsultasi Bajet UMS 2013, di sini semalam.

Bengkel berkenaan diadakan bertujuan menerangkan kedudukan kewangan UMS berdasarkan peruntukan bajet yang diluluskan oleh

Kementerian Pendidikan Malaysia.

Tambah Mohd. Harun, bengkel anjuran Jabatan Bendahari tersebut antara lain turut membuka ruang mencari kaedah terbaik untuk menjana pendapatan tambahan atau mengurangkan kos operasi melalui perancangan kewangan yang strategik dan langkah-langkah penjimatan universiti.



SEORANG penceramah, Rizal Othman membentangkan Senario Bajet 2013 dan 2014 UMS mengenai perbandingan permohonan bajet dan kelulusan, pendapatan dan perbelanjaan serta penjanaan pendapatan universiti semasa Bengkel Konsultansi Bajet UMS di Kota Kinabalu, kelmarin.